



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Taurinensis peregrinatio. cap. 3.

urn:nbn:de:hbz:466:1-10502

diligenter, sancteque obeunda mirum in modum accensi discederent. præsertim vero tertio die, visus est multis diuino spiritu afflatus, in usitatem quandam, diuinamque dicendi vim adhibere. Vnum ipse collegium constituit, ad ecclesiam Sancti Sepulchri: quem locum boni presbyteri nonnulli, Monetaque inter eos, etiam ante Carolum Archiepiscopum collentes, antiquam Mediolanensem clericorum disciplinam, in maxima ciuitatis corruptela retinebant. In ea igitur ecclesia societatem, actis interuenientibus, instituit xvi. Calen. Septemb. & primos sese offerentes celebri ritu, apparatuque recepit. quos alij magno numero secuti sunt: quam uis Caroli præsentia per mortem de medio sublata, locum multi deseruerunt; beneficiaque, aut alias vitæ conditiones quæsierunt; ijs ad Sanctum Sepulchrum relictis, qui vere sese Ambrosio, ecclesiæque Ambrosianæ tradiderant. At collegium, societatemque, quoad vixit; Carolus numero, sacrisque muneribus florentem conservauit: Oblatis ipsis multum usus est: in eo semper perseverauit, ut eius ordinis clericos benigne admodum tractaret, charosque haberet. collegium frequentabat; sacra munera in eo, sacraque, & pias exercitationes publice instituebat: tum vero priuatum communicationes, consultationesve rerum ad eam disciplinam, & omnino ad clericales virtutes pertinentium, certis temporibus cum eis familiariter habebat, imitatione regularis instituti. Cum in eo collegio grauissime presbyter ægrotaret, & medicorum sententia morti proximus crederetur: ibi Carolus ipse humilia fraternæ charitatis officia captans, tanta assiduitate, die, nocteque ei affuit, atque etiam saepius ministrait; ut singularem benignitatem, eximiamque tanti Præfulis humilitatem omnes obstupescerent: neq; ve-

ro deseruit; donec post dies multos, quibus ille semper fere animam trahere visus est, mortis periculo liberatum reliquit. quod Caroli sanctitati, precibusque a Domino quasi per miraculum concessum esse, plerique crediderunt.

Animi diuinitus ardētis indicium, præcipueq; res exempli visa fuit omnibus Taurinensis peregrinatio. Habet Sabaudiae Dux, magno Dei beneficio, Sindonem illam, qua sanctissimum I E S V Christi corpus olim pij viri de cruce sublatum inuoluerunt. eam Carolus cum visere iam antea optaret; tum a pestis calamitate magnō eius rei desiderio cœpit teneri; neque amplius illius explendi tempus sibi differendum statuit. Ea re accepta, Dux Emanuel, qui alioqui, & sacrum linteum ab oppido Camberrio, quod ultra Alpes situm est, Taurinum transferre iustis de cauſis in animo habebat; & Caroli præsentia, consuetudineque frui pro sua pietate, & in eum obseruantia cupiebat; occasionem arripuit; Carolum inuitauit; & linteum transferri iussit. Iter pedibus facere Carolus constituit, quod est passuum octoginta milium. ex plurimis, qui libentissime profecti essent, idoneum comitatum, sacrorum, piorumque hominum delegit. itineris, exercitationumque rationem ordinauit. dictus est profectioni dies. Fride vero eius diei, comitibus conuocatis, exposuit quid in itinere fieri vellet. mane a sacerdotibus Missa facta; accepta ab alijs sanctissima Eucharistia; omnes assuerunt cum baculis, & indumentis; quibus solent pia de cauſa peregrinantes vti. quibus ex ecclesiastico rito, cum Carolus benedixisset, discenderunt. clerus maioris ecclesie usque ad portam ciuitatis comitatus est. ibi Carolus breuiores vestes, baculumque sumpsit. tum canonicos pie admodum, atque amanter singillatim

Taurinensis
peregrina-
tio.
CAP. III.

com-

complexus, magna cum multitudinis quæ secuta erat, piaque iucunditate, dimisit; & iter ingressus est. Itineris ratio fuit: summo mane, sacris procuratis, aderant omnes; & ab ecclesia initium erat proficisciendi. bini ibant; & horis certa ratione distributis; nunc ei rei a Carolo præfectus, salutarem meditationis materiam tra debat; nunc taciti, & meditantes ibant: pias animorum conceptiones postea conferebant: alias alternatim psalmos pronunciabant: interdum ex calculorum corona: quam manu tenebat quisque, precationem Dominicam, & Angelicam salutationem inter se repetebant. ambulantibus denique nihil otij relinquebatur; totum viæ tempus salutariter consumebatur. Cum meridie, vesperique ad oppida hospitijs caussa venerant; adibant ecclesiam primo; ibique Carolus more suo genibus flexis, cum suis canonicarum horarunt preces obibat; licet corpore de via sæpe non mediocriter languenti; mensa, quæ semper moderationem, ne dicam inopiam præferebat, sacra lectione, piove sermone minime vacabat: reliquum temporis, quod erat exiguum, rebus corpori necessariis dabatur. Mirificus erat toto itinere concursus ad vias, quibus pius comitatus transibat. in oppidis, vicisque in quibus fortuitum semper hospitium eligebatur; vt mira omnium commotio; ita singularia erant christianæ benignitatis officia. certatim omnes honoris, & reuerenzia significatones dabant. certatim etiam quandoque ad domum quisque suam rapiebant peregrinos; vbi pie admodum, amiceque eos tractabant; pedesque laubabant. alias vero, si aduentus differretur ad noctem, lumina ex cunctis ædibus proferebantur. comites in itinere multi sese offerebant. Ioannes Franciscus certe Episcopus Vercellensis, una cum aliis viris religiosis, ab urbe

sua numerum auxit. Quamquam autem ipsa tota actio ita ordinata, plena optimi, & inusitati exempli erat; quedam in Carolo tamen præcipue licebat passim obseruare: singularem quandam hilaritatem, quam ex incommodis hospitiis capiebat: non patientiam solum, sed gaudium, quo pluuias, lutum, alias viæ difficultates, corporis etiam defatigationem perferebat: ex qua ægre admodum sæpenumero membra trahere videbatur. interdum etiam antequam cibum sumeret, mira humanitate, & modestia iejunus adhuc aliis prandentibus legebat. Toto iucunda res fuit itinere; amplissimi Pontificis personam videre cum inopis peregrini humilitate coniunctam. sed iucundissima omnino spectaculum; cum eo quartu denique die Taurinum appropinquare, qui fuit v. Idibus Octobris; post Archiepiscopum, nobilesque viros multos, Dux ipse cum Principe filio; tum Cardinalis Vercellensis, multique Episcopi, qui conuenerant, obuiam humili, atque abiecto peregrinorum numero; cum nobilissimo comitatu, armatorumque militum ordinibus processerunt; faustisque salutationibus, cum magno tormentorum bellicorum sonitu exceperunt; seque socios itineris modici, quod restabat, in eum numerum intulerunt. Ventum est primò ad maiorem ecclesiam precandi caussa; postea in palatum ad sacellum Sancti Laurentij, vbi sacra Sindon erat; maxima cum hominum multitudine; non solum ex vicinis locis, sed Mediiano, & ex alijs ciuitatibus, regionibusque, qui rei fama permoti, cupide conuenerant. Ibi Carolum quasi factum subito ex egente ditissimum, non sine delectatione obseruabant multi, magnificientissimo, planeque regio apparatu, quem præcipuo studio Dux adhibuit, ita plane vti, ut tugurijs in itinere vslus fuerat. Ac

Hh 2 licet

Ilicet ob exorra itineris labore sub pe-
dibus tubercula, ita laboraret, ut in-
cisione etiam opus fuerit; noluit ja-
cere tamen, & munera sua libere sem-
per objicit. postero die priuatim per-
regrinis sanctum Linteum ostensum
est; Carolique iussu multa de eo di-
cta sunt ad animos, ex tali specie per-
se maxime commotos, magis etiam
excitandos. publice deinde spectan-
dum in amplissima platea, praesente,
tenenteq; Carolo cum Episcopis om-
nibus, sacris Pontificijs vestibus in-
dutis; Duce, nobilitate, omniq; po-
pulo astante, propositum fuit. Mox
ante illud in maiore ecclesia decen-
ter, cum perpetua sacrorum virorum
& religiosæ militiæ custodia, collo-
catum, quadraginta horarum suppli-
cationem de more Carolus instituit;
horis clero, & populo ad conuenien-
dum, precandumque distincte distri-
butis. quo in supplicationis munere
partes suas minime desiderari Dux
ipse passus est. singulis horis, singu-
las conciones viri facri, suam quis-
que, Carolo de more id exigente, ha-
buerunt; etiam Episcopi, & Cardi-
nalnis ipse Vercellensis. Carolus vero
plures habuit. Cumque plurimos ad-
uenisse ex propinquis vallibus hære-
ticos animaduersum esset, tum ad eos
fanando conuersæ sunt conciones;
tum tempus supplicandi etiam pro-
rogatum. Octauo denum die Caro-
lus, cum toto eius temporis spatio in
ecclesia, intra parietes, in mensa, &
vbique salutaria dicta, exemplaque,
ut cuique coniicere facile est, abunde
protulisset: iam iam discessurus, lon-
gos habuit cum Duce de imperio pie
administrando sermones. tum vero
surrexit amplissimus Princeps; & ad
Caroli fese pedes abiecit; idemque
Carolus Emanuelem filium, nothum
que Amadeum facere iussit. ac sup-
plex, ut sibi, filijque benedicere vel-
let, postulauit. recutabat Carolus,
cum id eo loco non esse dicens, &

quantum potrat, eum erigere con-
batur. instabat vero Dux, seque, nisi
facri signi expetitum munus accep-
set; negabat surrectum: cum la-
chrymas neque Dux ipse, neq; astan-
tium quisque tenere posset, in tam
præclara, atque illustri singularis pie-
tatis, religionisque specie. cum im-
petrasset tandem, quod postulauerat;
iussit Principi filio, Carolum obsecra-
ret, ut se filij loco semper habere
vellet; ipse perpetuè tantum virum
coleret, eiusque præceptis studiose
obediret. tum ipse quoque Carolum
ea de re vehementer orauit. Id re ip-
sa effectum est: nam paulo post Ema-
neuele mortuo, Carolus Emmanuel Dux
factus, Cardinalem Patris loco sem-
per habuit: illeque Ducem quibus re-
bus potuit semper ad salutem, impe-
rijque prosperitatem amantissime ia-
uit: neque tempus ullum prætermise-
runt, quo simul esse possent; quin eo
studiose vterentur. Ita se habuit pe-
regrinatio illa, pietatis fructu sine du-
bio in omnes partes vberima; Ca-
roloque ipsi ob sanctissimi Lineti in
primis contemplationem diu expeti-
tam, deinde etiam ob perspectam Du-
cis singularem pietatem, Principisq;
optimam indolem, iucundissima.
Non est prætereundum, nobilissima
ciuitatis matronam, baculum, quo il-
le in itinere vsus erat, magno studio
conquistatum apud se pie seruasse,
atque inter res charissimas habuisse.
vt videatur Dominus eiusmodi ho-
nores prorsus inusitatos Carolo tunc
eo loco haberit constituisse; cum alibi
solicitudines, & molestias inusitatas
sustineret. Inde Carolus accep-
ta ecclesiarum quarundam visenda-
rum occasione, divertit ad Varal-
linum montem, ut propositis per loci
illius imagines Domini perpectionis-
bus; ipsam rursus quodam modo sa-
cri Lineti miserabilem speciem, qua
eius vulnera, cruciatusque omnes a-
criter admodum refert, absens reno-
vata.

ata meditatione contemplaretur. Ibi animum diuinorum rerum cogitationibus, corpus vero pane, & aqua tantum sustentauit; noctem totam ad eccliam quandam, ex iis, quas mons plurimas habet, vigilias egit, vna cum Francisco Adorno societatis I E S V; quo saepe sacrarum exercitationum adiutore uti solebat: demum Mediolanum rediit.

Contra vi-
tiosas volu-
ptates, spe-
ctaculaque
pugnat. Fi-
nitimas ec-
clesias in-
uit.

CAP. IIII.

Inter alios salutares fructus, quos ex ea diuina pestis animaduersione populum suum percipere Carolus volebat, erat integra morum conformatio illius temporis, quod a festis Natalitiis ad Quadragesimam interponitur. cum enim superioribus annis, corruptelas eiusmodi non mediocriter moderatus esset; cupiebat, sperabatque, eas omnino tunc demum tolli posse. animis enim periculis, afflictioneque deterritis; verisimile videbatur fore, ut consuetum illum ad voluptates impetum homines remitterent; & ad diuinum cultum attentiores in posterum redherentur. Atque anno M. D. LXXVIII. hoc est extincta vix dum pestilentia, ita prorsus euenit, ut ille cupiebat: quamquam, quod ad Principes viros attinet; non tam fecit recens morbi, periculorumque memoria; quam pietas optimae foemina Annæ, Gubernatoris uxoris; quæ rebus diuinis, salutaribusque dedita, Caroli studiostissima, virum quantum poterat, in eo genere moderabatur, adolescentesque filios refrœnabat. ceterum reliquo anni tempore, quamvis a spectaculis, ludisque alieno; maxime vero iisdem proximi anni M. D. LXXXIX. diebus, nihil ad moderationem valuit; non recens castigatio; non uxor, non Caroli studium; non rei frumentariae inopia, quæ pestem consecuta est; non Belgica pericula, armaque Regi catholico, & Ecclesiæ sanctæ infelissime illata; quæ quidem vitiorum detestationem, supplica-

Pars III.

tionesque exposcebant; non autem voluptates, & vitia. non Regis ipsius denique, regiæque familiæ luctus; immo neque ipsa etiam regia mandata valuerunt: cum tamen eorum quodus per se valere debuisset. luctum regium intelligo, ex filii adolescentuli Ferdinandi Hispaniarum Principis obitu, adiuncta præsertim etiam Ioannis fratris nothi, quem Belgicis rebus præfecerat; Vincislai Mariæ Imperatricis eius sororis filij; & Sebastiani Lusitaniae Regis eius propinqui, morte. quibus de rebus, quæ quidem trium mensium spatio acciderant, Regem & in mœrore esse, & nouarum curarum accessione valde premi credibile erat. Atque Ferdinando Octobri mense ante mortuo, cum ad Praesides prouinciarum Rex pias admodum litteras dedisset; Carolus iis uti commodum putauit, quæ Gubernator Mediolanensis accepérat, ad malas proximi temporis consuetudines excludendas. scribebat Rex, magno se quidem ex obitu filij dolore affectum, tum quod optimæ esset indolis, optimæque speci; tum quod ei se, ut primogenito, & Principi heredi iureirando regna Hispaniarum obstrinxerant. se tamen eiusmodi a diuina manu & quo animo vulnus accepisse; imo gratias egisse; quod innocentem adhuc puerum à terreno, ad coeleste regnum transtulisset. proinde omissis luctuosis officiis, supplicationes publicas, ad impetrandam flagitorum veniam, magna reipublicæ incommoda deprecanda, decerni curaret. id quod factius obtineretur; daret operam, ut quatenus regio ministro conueniret, flagitosi mores qui calamitates inuherent, studiose corrigerentur. Carolus igitur Regem, Reginamque prius religiosè per epistolam contolatus; eas litteras, suis ad populum litteris inclusas, proposuit, atque edidit: populumque grauissime monuit,

Hh 3 vt